

STUDIJSKA MONOGRAFIJA: HASAN HANIĆ – ŽIVOT I DJELO ¹

Šefket Krcić

Departman za pedagoške nauke,
Univerzitet u Novom Pazaru, Novi Pazar
dr.s.krcic@uninp.edu.rs

Apstrakt

Autor se ovom osvrtu, kao preglednom članku bavi analizom studijske monografije „Hasan Hanić – život i djelo“ koja je sačinila i objavila grupa autora, a objavio Institut ekonomskih nauka u Beogradu, a štampala u elitnom stilu - Zavod za izradu novčanica i kovanog novca Topčider u Beogradu. Riječ je prvoj takvoj monografiji o djelu i života jednog profesora Beogradskog univerziteta, što prevazilazi uobičajene spomenice. Cilj ovog rada jeste da se znanstvena i kulturna javnost upozna sa portretom jednog od vodećih, ne samo jugoslovenskih, već i europskih znanstvenika iz oblasti ekonomskih znanosti, koji je brojnim svojim djelima, i javnim stručnim nastupima, na Beogradskom univerzitetu i brojnim institucijama diljem velike Jugoslavije i Europe, tijekom svoje 45-e obljetnice rada, ostvario brojne rezultate iz oblasti ekonomije i društvene teorije. Pored pristupa, u ovoj problematici, pisac daje osnovne podatke o subjektu ove monografije dr. Hasanu Haniću (1949), zatim vrši analizu strukture monografije, te posebno poglavlje pristupstvo znanstvenika u medijima i na kraju, se daje kritički pregled, kao zaključni dojam, o ovom kritičkom kolektivnom djelu.

Ključne reči: Hasan Hanić, monografija, Brodarevo, Novi Pazar, Beograd, ekonomija, mikro ekonomija, makro ekonomija, bankarstvo, informatika, kibernetika, statistika, znanstvenik, mediji,

STUDY MONOGRAPH: HASAN HANIĆ - LIFE AND WORK

Abstract

The author of this review, as a review article, deals with the analysis of the study monograph "Hasan Hanić - life and work", which was compiled and published by a group of authors, and published by the Institute of Economic Sciences in Belgrade, and printed in elite style - the Institute for Making Banknotes and Coins Topčider In Belgrade. It is the first such monograph on the work and life of a professor at the Belgrade University, which goes beyond conventional monuments. The aim of this paper is to familiarize the scientific and cultural public with the portrait of one of the leading not only Yugoslav, but also European scientists in the field of economic sciences, who is numerous in his work, and in public professional performances at Belgrade University and numerous institutions throughout the great Yugoslavia and Europe, during his 45th anniversary, has achieved numerous results in the field of economics and social theory. In addition to the approach, in this issue, the writer provides basic information on the subject of this monograph, dr. Hasan Hanić (1949), then analyzes the structure of the

¹ Grupa autora: Institut ekonomskih nauka, Beograd, 2017., (format B4, kunzruk papir, tvrdi povez, str. 342)

monograph, and especially the topic of the presence of scientists in the media, and finally, a critical review, as a final impression, of this critical collective work.

Keywords: Hasan Hanić, monograph, Brodarevo, Novi Pazar, Belgrade, economy, micro economics, macroeconomics, banking, informatics, cybernetics, statistics, scientist,

JEL codes: B15

UVOD

„... Dr Hasan Hanić ima orlovski pogled, ali oko iz kojeg se ne može lako procjeniti njegovo unutrašnje stanje. Pogledom i izgledom moćno upravlja i vlada sobom i okolinom u kojoj se nalazi. Ni njegov pogled ni izgled nije izraz sile i strogosti, već opuštenosti i plemenitosti (...) U svojem biću H. Hanić, s jedne strane uspije da sačuva ono najvrednije iz njegovog kraja i kulture, koje se kristilizovalo kao tradicija, i, s druge strane, da prihvati sve moderno i savremeno. On je dobar primjer kako se skladno prožimaju i harmonično opstaju, tradicija i modernizacija. Nikada nije zaboravio zavičaj iz kojeg potiče, taj prvi pogled u okolinu i u nebo. Trajno ga nosi u sebi i ne stideći ga se uvijek se vraća svom prvom pogledu i zavičaju...“

Prof. dr. Čedomir ČUPIĆ, Univerzitet u Beogradu

PRISTUP

Brojni su razlozi za pisanje i objavljivanje teksta o prof. dr. Hasanu Haniću, kao univerzitetskom djelatniku, znanstveniku iz ekonomske teorije i prakse, i uopće, kao visokom kritičkom intelektualcu. Posebno sam bio impresioniran, kada u jutarnjim programima raznih televizijskih emisija, pogledam inserte specifični Hanićevih ekonomskih komentara o stanju našeg društva uopće. Moja malenkost i moji prijatelji, smo se bezbroj puta pitali: Zašto jedan ovakav ekonomski i društveni um nije na čelu neke Vlade ili u najmanju ruku, ministar finansija? Jedna od mojih poznanika je dodao: „Da je dr. Hasan Hanić profesor u Njemačkoj ili Americi, sigurno bi bio vodeća ekonomska ličnost, a tim prije i predsjednik Vlade neke civilizirane zemlje...“ Takvo je stanje u vremenu, da je prof. Hasan Hanić odabrao Beograd i mislim, da je čast tom gradu što ima takvog znanstvenika i stručnjaka. A to što prof. Hanić, nije sa vlastima, to mu daje veći intelektualni dignitet, što nama daje posebno inspirativnog povoda, da o njemu na margini jedne monografije pišemo i razmišljamo. Jer, da je on sa vlastima, našle bi se kabine, bolje reći, tajne kabine, da mu lome kičmu. Bezbeli, dr. Hasan Hanić ima veliko interdisciplinarno, znanstveno iskustvo i odavno se nalazi na graničnoj liniji sa politikom, kao i na liniji distance sa tom politikom, pa mu je, prema tome, poznata politika, koja se udaljila od svog autohtonog značenja (da bude briga za grad i usmeravanje razvoja grada i zemlje). A kad to nije, prof. Hasan Hanić nalazi sebe, da bude što dalje od politike, a što bliže znanosti, univerzitetu i prije svega, studentima. O tome svjedoči bogati katalog, preko 50 djela iz uže znanstvene oblasti i veše stotina znanstvenih radova, objavljenih u domaćim i inozemnim časopisima i drugim važnim publikacijama. Na taj način, opus dr. Hasana Hanića, zaslužuje da bude obrađen jednom originalnom doktorskog disertacijom i na taj način bi se sagledala, sa raznih aspekata njegova znanstvena i pedagoška misao. Jer, u pitanju je takav univerzalni djelatnik, čiji je život i djelo vezano za univerzitet.

Uvaženog profesora Hanića, znao sam iz javnosti iz ranih studentskih dana. Pratio sam njegove radove objavljene u listovima i časopisima, diljem tadašnje velike Jugoslavije. Do našeg susreta je došlo u Redakciji časopisa „Gledišta“ (glasilo Beogradskog univerziteta) u Beogradu, gdje je on bio glavni urednik, a članovi Redakcije moji prijatelji i kolege, između ostalih, mr. Đordije Uskoković, sekretar, kao i član Redakcije dr. Čedomir Čupić i drugi. Uočio sam tada, da se profesor Hanić, bez obzira što je ekonomist, po obrazovanju vrlo vješto i elitno upušta u filozofske posmodernističke diskusije, što je bio otvoreni pokaz, da se radi o jednom svestranom intelektulacu i profesoru široke i univerzalne kulture. Zapazio sam, da su za perspektivnog urednika i profesora univerziteta Hanića, filozofske diskusije o pogledima na svijet jednog Gadamera, Habermasa, Hajdegera, Sartra, Markuzea, Bloha, Leferva i drugih, bile omiljene teme. Zbog toga, bila mi je čast, što sam ga upoznao. No, na tome se nije završio naš susret u Redakciji „Gledišta“. Naime, početkom 80-ih godina prošlog stoljeća, imao sam zapaženu aferu oko reizbora za asistena na Beogradskom univerzitetu. Tada se profesor Hanić, kao Izvršni sekretar UK-a, bez obzira što moja malenkost nije bila član Partije, uključio se u ovu aferu, bez obzira što su neki kontroverzni profesori sa Ekonomskog fakulteta, tendenciozno i desničarski postupili prema mom reizboru (jer sam od strane ugledne i referentske Recenzentske komisije, dobio pozitivan prijedlog), koje su fah kolege, profesora Hanića želele da stave u drugi plan i da tim činom budem potisnut i diskriminiran.

Profesor Hanić, mogu da kažem, da je hrabro i principijelno, u tom vremenu digao glas i zatražio da se o ovom predmetu i mom problemu, na pravedan i na univerzitetski način raspravlja, što je dalo povoda nekim desničarima, sa Univerziteta da uglednog profesora Hanića neumjesno i neakademski prozivaju, da navodno, „brani svoje sunarodnike Turke“. Na te klevete i blasfemije, on se nije obazirao.

Zacijelo, taj stav prof. H. Hanića, sam dugo nosio u svojim mislima i ovdje, kada govorim, odnosno raspravljam o monografskoj studiji koja se tiče njegovog opusa i života, ne želim da prešutim. To me doista i obavezuje, da ovdje naglasim. Kasnije uvijek sam se redovno javljao profesoru Haniću i kad sam bio angažiran na Univerzitetu Crne Gore, kao i kad sam prešao sa profesionalnim angažmanom u Novi Pazar, što je i on na korektan i akademski način uzvraćao. Posebno, ističem našu suradnju nakon 2002.godine, kada je prof. H. Hanić bio jedan od suosnivača Internacionalnog univerziteta u Novom Pazaru, na kojem sam od samog početka bio angažiran kao profesor filozofije. Na ovom Univerzitetu profesor Hanić je držao više prigodnih gostujućih predavanja, pa mi je bila čast, da lično, kao sa svojim studentim pratim uživo njegova veoma živa i sadržajna predavanja, koje je on izvodio u velikom akademskom stilu. U tom smislu, nedoavnog pojavljivanja monografije „Hasan Hanić – život i djelo“ od grupe autora u Beogradu, sam doživio kao poseban čin, da je Grad Beograd, bez obzira što diskriminira narod kojem pripadam, prema profesoru Haniću, učinio jedan mali iskorak da objavi jedno korektno i sadržajno djelo o ovom izuzetnom profesoru ekonomije, svjetskog prosedea. Dalje, u svom pristupu ovom djelu, ukazaću nekoliko osnovnih biografskih podataka o profesoru Haniću, kako bi čitatelji, posebno studenti bili u prilici da saznaju riječ više o ovom znamenitom autoru.

RIJEČ-DVIJE O HASANU HANIĆU:

Dr. Hasan Hanić (27. 6. 1949. godine u Ravče Polju, u Brodarevu. Roditelji: Medžid i Fata, rođena Kriještorac), eminentni ekonomist, znanstvenik, profesor univerziteta. Redovni profesor (za pr. Istraživanje marketinga) i prodekan Ekonomskog fakulteta u Beogradu. Dekan Bankarske akademije u Beogradu i prorektor Univerziteta UNUON u Beogradu. Jedan od osnivača Internacionalnog univerziteta u Novom Pazaru.

H. Hanić je porijeklom iz radničke i mnogobrojne porodice, iz sandžačkog gradića Brodareva. Krenuo je u svijet za radi osvajanja znanja i školovanja; kada je ima deset godina došao je u Novi Pazar. Iz Novog Pazara, nakon završene srednje škole se stacionirao u glavni grad ondašnje Jugoslavije, Beograd, u kojem živi skoro pedeset godina. Prema mišljenju brojnih znalaca njegovog djela, svuda se isticao radom i izuzetnim humanim stavovima prema drugima.

Obrazovanje: srednja Ekonomska škola u N. Pazaru (mat. 1968); Ekonomski fakultet, Beograd, šezdesetmaš, živio u studenjaku, upoznao studentski život u svim dimenzijama, dobitnik više nagrada i priznanja, diplomirao sa desetakama 1972. magist. 1976. dokt. 1982). Karijera: rukovodilac odjeljenja na Ekon. fakultetu, Šabac (1985-87); prodekan za nastavu Ekon. fakulteta, Bg. (1987-91). Maja 2017. godine, svečano obilježen 65-ta godišnjica akademske, znanstvene i društvene karijere profesora dr. H. Hanića. Prve 32-e godine proveo je na Ekonomskom fakultetu u Beogradu, a od maja 2005. godine, na Beogradskoj bankarskoj akademiji – Fakultet za bankarstvo, osiguranje i finansije. Glavna djela: “Teorija potrošačke tražnje i njene implikacije za empirijsku analizu” (mag. teza, 1976); “Modeli kompleksne analize potrošačke tražnje” (dok. teza, 1982); knjige “Teorija i ekonometrije modeli potrošačke tražnje” (1990), “Istraživanje tržišta” (1989), “Marketing” (1990), “Marketinski informacioni sistemi za menadžere” (1992); “Visoko obrazovanje i zapošljavanje” (studija u sklopu projekta OECD, 1991). Nagrade i priznanja: Nagrada za najbolju magistarsku i doktorsku tezu Privredne komore Beograda (1977. i 1983). O Hanićevom životu u djelu (2017) objavljena je velika monografija na formatu B4, u kojem je obrađeno i predstavljeno njegovog znanstveno i pedagoško - univerzitetsko iskustvo. Biznis: Business School of Suny University, Albeni, SAD 1989-90. (gost. prof.); Berlin 1990, London 1992. (studijski). Jezik: njemački i engleski (g). Dobitnik je brojnih nagrada domaćih i međunarodnih priznanja, za svoj znanstveni rad. P: Bošnjak. F: supruga Gulera, ljekar; sin Edin (1983) i kćerka Azra (1985). Živi u Beogradu i Novom Pazaru. Živi čuvenu Paskalovu devizu: „Želimo li uspjeti u ovom svijetu, moramo najpre posjedovati samoupozdanje, a zatim samopožrtvovanost.“

STRUKTURA MONOGRAFIJE O HANIĆU

Studijska monografija „Hasan Hanić – život i djelo“ je vrlo kompleksna i sadržajna. Nastala je na temelju obimne arhivske građe i literature, koje je istraživačima i autorima ovog djela, ponudio prof. H. Hanić, kao i na temelju dokumentacije Univerziteta u Beogradu i drugih arhiva. Ovo djelo, je perfekcionistački način sačinio autorski tim, čija imena, na čelu sa dr. Jovanom Zubovićem, direktorom Instituta ekonomskih nauka, a ostali članovi Redakcionog odbora, pored dr. Zubovića, dr. Budimir Lazović, dr. Ivana Domazet, dr. Stipe Lovreta, dr. Ivan Stošić, dr. Nikola

Fabris, mr. Mento Mentović; a recenzenti monografije su – dr. Božo Drašković i Milan Vujović; za izdavača djelo potpisuje – dr. Jovan Zubović.

U pitanju je veoma uspješna studijska monografija, sa velikim obimom fotografija i ilustracija, što značajno upotpunjuje sliku o znanstveniku Haniću, kao i podupire argumentaciju tekstova o njegovom djelu. Pored toga, Redakcija je kreativno osvježila tekst monografije izborom inspirativnih misli iz svijeta znanosti filozofije i literature, koje podstiču ili su izraz duha subjekta ove monografije (prof. Hasana Hanića), koje su na razini njegovog stvaralačkog rada. Čitateljima ove misli, mogu poslužiti kao putokaz za lični izbor tema, kao i podsticanje za dalji stvaralački rad.

Pored Predgovora, Izraza zahvalnosti, U medijima, kao i Izvori i Prilozi, ova automonografija sadrži sljedeće naslove. Od Brodareva do Beograda: Brodarevo, 1949-1958. godine, Novi Pazar, 1958-1968. godine, Beograd, 1968-1974. godine; Akademska karijera: Na Ekonomskom fakultetu Univerziteta u Beogradu, 1973-2005. godine; Naučni opus: Udžbenici, monografije i zbornici radova, naučni članci i referati, naučne studije, projekti i ekspertize, Enciklopedije, leksikoni i rječnici, osvrti, prikazi i recenzije; Doprinos razvoju naučno-nastavnog i stručnog podmlatka, Profesionalno i društveno angažovanje, nagrade i priznanja, Porodica i prijatelji.

Grupa autora, drugi o Hasanu Haniću: Akademik, prof. dr. Branislav Šoškić, prof. dr. Momčilo Milisavljević, prof. dr. Milan Eremić, prof. dr. Ljubomir Madžar, prof. dr. Slobodan Unković, prof. Maruf Fetahović, prof. dr. Stipe Lovreta, prof. dr. Čedomir Čupić, prof. dr. Željko Šain, dr. sc. med. Meho Mahmutović, Milan Vujović, Nikos Aristides, prof. dr. Nikola Vukmirović, prof. dr. Božo Drašković, prof. dr. Dejan Erić, prof. dr. Dragan Cvijanović, prof. dr. Vujica Lazović, prof. dr. Ivana Domazet, prof. dr. Biljana ChronEOS Krasavac, msc. Milena Lazić, msc. Tijana Kaličanin. Svi autori sa svojih pozicija, arguemntirano su rasvjetljavali život i djelo Hasana Hanića.

Ova studijska monografija donosi preglednu obimnu Bibliografiju objavljenih radova, dr. H. Hanića, kao i radova o ovom autoru. Na kraju djela, dati su Izvori i literatura na temelju koja je urađena monografija.

ZNANSTVENIK U MEDIJIMA

Imajući u vidu javne nastupe, kako na znanstvenim skupovima, tako i u medijima (elektronskim i štampanim). Možemo reći, da je upravo za sedmu svjetsku silu (medije) prisustvo i stavovi prof. H. Hanića, prava poslastica. Jer, njegovi javni nastupi imaju svoje široko tumačenje, rečeno u duhu čuvene profesorice sa Oxforda Džoan Robinson, sadrže pravu ekonomsku filozofiju. Zato, njegovi stavovi toliko su kreativni i precizni, da se mnogi novinari tiskaju i izuzetno trude, kako da dođu do Hanića i da prenosu u javnost njegove stavove o pojedinim akutelnim pitanjima iz ekonomije.

Prof. H. Hanić, kao ekonomski analitičar kritičke provinijencije, se pokazao i dokazao, kao ozuzetan kolumnist i javni informer, o stanju ekonomije u vremenu. Upravo zahvaljujući njegovoj znanstvenoj širini, ovaj ugledni profesor je pokazao svoje sposobnosti predstavljanja ekonomije u svim segmentima njene strukture, pri čemu je pokazao svoj originalni stil izražavanja, koji se tiče kompleksnih ekonomskih tema za širu publiku. On je na jedan način na najbolji način, reprezentovao nobelovca Boulindiga, koji je držao do stava „U ekonomiji ne možete razumijeti ništa, dok niste

razumjeli sve“. Interesantno pretrživacem na Googlu registrovano je blizu 1000 kritičkih zapisa, preko kojih se ekonomist predstavio kao vrstan analitičar na razini mnogih privrednih i društvenih sistema.

Ova studijska monografija donosi i pasuse iz bogate korenspodencije prof. Hanića, sa zvaničnim ličnostima iz svjetske nauke.

KRITIČKI DOJAM O DJELU GRUPE AUTORA

Imajući u vidu unaprijed rečeno, monografija „Hasan Hanić – život i djelo“, predstavlja jedan originalni izdavački poduhvat, napisan i odštampan perfekcionistički i u koloru umjetnički, sa brojnom argumentacijom i činjenicama, kao pokaz jedinstvenog znanstvenog opusa u jugoistočnoj Europi. Bez sumnje, prof. H. Hanić, je stekao značajan ugled u ekonomskoj znanosti i uopće visokom školstvu, između ostalog, svojim bogatim i raznovrsnim opusom, koji obuhvata širok spektar ekonomskih oblasti kojima se bavio i bavi: ekonomska teorija, mikro i makro ekonomija, ekonomska politika, finansije, bankarstvo, osiguranje, menadžement, marketing, istražiuvanje tržišta, informatika, kibernetika, statistika, suvremena kvantitativna ekonomska analiza. O domenima uspona ovog znanstvenika, može se najkraće izraziti brojkama, da je tijekom svoje djelatnosti punih četiri i pol decenije znanstveno-istraživačkog rada, prof. H. Hanić je samosatilni i koautrostvu napisao i objavio preko 500 bibliografskih jedinica, udžbenika, monografija, zbornika radova, članaka, referata, znanstvenih rasprava, studija, ogleđa, osvrtā, prikaza recenzija, intervjuā, monovjuā, projekata i ekspertiza. Zastupljen je u više enciklopedija, leksikona i stručnih rječnika. Svojim opusom dao je doprinos razvoju znanstvenog, najstavnog i stručnog podmlatka, kako na Ekonomskom fakultetu, tako i na Banskarskoj akademiji. Jednom riječju, spada u red, ne samo najuticajnijih jugoslovenskih, već europskih znalaca ekonomije. Bez sumnje, prof. Hasan Hanić je čovjek i istraživač izuzetne radne energije, mudar, strpljiv, preduzimljiv, otvoren, kritičan i komunikativan. Njegovo stvaralaštvo ni u jednoj prilici nije mogao ostati nezapažen. Imajući u vidu sve te činjenice, često je bio predlagan i biran, ili imenovan za radi obavljanja brojnih odgovornih funkcija u institucijama, organizacijama, kao i komisijama, kako u oblasti obrazovanja, tako i u svijetu znanosti, privrede i kulture.

Jedan od najpoznatijih i profesora Ekonomskog fakulteta u Beogradu, koji je imao priliku da prati Hanića kao studenta, kasnije kao pozdiplomca i univerzitetskog djelatnika, je svakako prof. dr. Ljubomir Madžar, koji je između ostalog u svom ogleđu o Haniću napisao sljedeće: „Profesor Hanić je naučni radnik i nastavnik istinski velikog formata, jedan od retko produktivnih i visokokreativnih ličnosti u ekonomskoj profesiji ove zemlje. Hanić je kompletna ličnost i vrhunski profesionalac... Njegovi doprinosi jasno se sagledavaju na raznim poljima i uklapaju se u jednu celinu kakav bi mogao da se pohvali vrlo uzak krug vrhunskih profesionalaca... Mnogo je doprineo i društvenoj zajednici kao celini, a – pribojavam se – po najmanje samome sebi. U tome se upravo i pokazuje njegov pravi profil: radio je za širok krug društvenih organizacija i angažovao se jednako na širokoj različitim prijekata potvrđujući tako svoj neprekinut angažman na zadovoljavanju najprećih društvenih potreba. Treba se nadati da će Hanić i dalje vredno raditi i upadljivo

unapređivati širok krug korisnih društvenih pregnuća kao što je to čini u prethodnih, bez malo pola stoleća.“

Jasno, ova misao na najeklakantniji način potvrđuje jedno kolegijalno uvjerenje svih onih istraživača i prijatelja, koji su se svih ovih godina našli u situaciji da sa profesorom Hanićem surađuju na raznim poljima znanosti i uopće nastave i literature. Svi vrijednosni sudovi, koji su upotrebljeni u ovom neobičnom studijskom djelu, imaju svoju relevanciju u osmišljavanju i tumačenju znanstvene i pedagoške djelatnosti akademika prof. dr. Hasana Hanića.

Pored toga, interesantno, grupa autora, opisujući rodno mjesto i porijeklo Hasana Hanića, ukazuju da je on porijeklom iz Crne Gore (str. 13). Smatram, da je ova teza sporna i nametnuta, jer Hanići su došli u Brodarevo iz Herceg Novog. Zatim, otvara se pitanje, kako su Hanići došli do Herceg Novog, to je tema za velika istraživanja. Prema mnogim istraživačima, Hanići su došli iz Andaluzije zajedno sa Jevrejima, nakon krvave rekonkviste 1492. godine na prostor Bosne i Hercegovine i Sandžaka. Na koncu da ovaj naš osvrt završimo sa jednom krilaticom uvaženog dr. Hasana Hanića, „Samo dobar čovjek može da bude dobar nastavnik.“. Takav je u biti i ostao profesor Hanić.

ZAKLJUČNA RAZMATRANJA

Autor se ovom osvrtu, kao preglednom članku bavi analizom studijske monografije „Hasan Hanić – život i djelo“ koja je sačinila i objavila grupa autora, a objavio Institut ekonomskih nauka u Beogradu, a štampala u elitnom stilu - Zavod za izradu novčanica i kovanog novca Topčider u Beogradu. Riječ je prvoj takvoj monografiji o djelu i života jednog profesora Beogradskog Univerziteta, što prevazilazi uobičajene spomenice. Cilj ovog rada jeste da se znanstvena i kulturna javnost upozna sa portretom jednog od vodećih, ne samo jugoslovenskih, već i evropskih znanstvenika iz oblasti ekonomskih znanosti, koji je brojnim svojim djelima, i javnim stručnim nastupima, na Beogradskom univerzitetu i brojnim institucijama diljem velike Jugoslavije i Europe, tijekom svoje 45-e obljetnice rada, ostvario brojne rezultate iz oblasti ekonomije i društvene teorije. Pored pristupa, u ovoj problematici, pisac daje osnovne podatke o subjektu ove monografije dr. Hasanu Haniću (1949), zatim vrši analizu strukture monografije, te posebno poglavlje pristustvo znanstvenika u medijima i na kraju, se daje kritički pregled, kao zaključni dojam, o ovom kritičkom kolektivnom djelu.

BIBLIOGRAFIJA

1. Zubović, J., Lazović, B., Domazet, I., Lovreta, S., Stošić, I., Fabris, N., Mentović, M., Bugarčić, M. (2017) *Hasan Hanić : život i delo*. Beograd : Institut ekonomskih nauka, (Beograd : Zavod za izradu novčanica i kovanog novca), ISBN 978-86-89465-31-0

RESUME

The author of this review, as a review article, deals with the analysis of the study monograph "Hasan Hanić - life and work", which was compiled and published by a group of authors, and published by the Institute of Economic Sciences in Belgrade, and printed in elite style - the Institute for Making Banknotes and Coins Topčider in Belgrade. It is the first such monograph on the work and life of a professor at the Belgrade University, which goes beyond conventional monuments. The aim of this paper is to familiarize the scientific and cultural public with the portrait of one of the leading not only Yugoslav, but also European scientists in the field of economic sciences, who is numerous in his work, and in public professional performances at Belgrade University and numerous institutions throughout the great Yugoslavia and Europe, during his 45th anniversary, has achieved numerous results in the field of economics and social theory. In addition to the approach, in this issue, the writer provides basic information on the subject of this monograph, dr. Hasan Hanić (1949), then analyzes the structure of the monograph, and especially the topic of the presence of scientists in the media, and finally, a critical review, as a final impression, of this critical collective work.